



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 483. Usque Ad Annum 561.

**Fleury, Claude**

**August. Vind. [u.a.], 1759**

**VD18 90117824**

§. 60. S. Albinus Andegavensis.

---

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

§. LX.

Sæculum VI.  
A.C. 538.*S. Albinus Andegavensis.*

Concilio Episcopi novemdecim & Presbyteri septem absentium loco subscripserunt. Primus fuit Concilii Præses Lupus Archiepiscopus Lugdunensis, qui vigesima quinta Sept. inter Sanctos colitur. Tum tres alii Archiepiscopi, Pantagathus Viennensis, quem Ecclesia 17. April. honorat, Leo Senonensis, Arcadius Bituricensis, Flavius Rothomagensis. Inter Episcopos memorandi veniunt Eleutherius Antiffiodorensis, S. Laudo Constantinensis, S. Agricola Cabillonensis, S. Gregorius Lingonensis, S. Gallus Claromontanus, S. Albinus Andegavensis. Hic familia nobili prope Venetiam natus, adhuc juvenis ad Monasterium Cincillacense seu *Tintillant* se recepit. Ibi cum omnium virtutum genere effulgeret, annum agens trigesimum quintum, Abbas electus est, at postquam annos quinque præfuisset, invitatus evocatur, & Episcopus Andegavensis ordinatur. Tunc vero alendis pauperibus, defendendis Civium suorum causis, invisendis ægrotis, redimendis captivis totus incubuit. Miraculorum quoque dono claruisse fertur, atque tribus cæcis lumen restituisse, & mortuum ad vitam revocasse. Fortunatus, qui triginta post annos vitam ipsius scripsit,

Oo 5

scripsit,

Sæculum VI. scripsit, refert illorum nomina, & circumstantias. Præsertim S. Albini zelum

A. C. 538. contra Matrimonia incesta laudat, dicitque, Virum Sanctum ut in hac materia Disciplinam Ecclesiæ tueretur, forte petus Martyrii periculo objecisse. Iter suscepit ad S. Cæsarium hac super re ab eo consilium petiturus, in qua profectioe S. Lubinum tunc Monasterii Bruani Abbatem & exinde Episcopum Carnutensem socium habuit. In Conciliis etiam S. Albinus hunc abusum tollere conatus est, & hoc quoque Concilium tertium Aurelianense in uno Canone illarum Nuptiarum sceditatem damnat. Cum in aliquo Concilio Collegæ ipsius instarent, ut quosdam illius culpæ reos & excommunicatos absolveret, atque Eulogias seu Panem benedictum eis mitteret, dixit: *Cogitis me, ut benedicam, neglecta Dei Causa, sed maxima est ejus Potentia, & ipse sibi illatas injurias vindicare potest, si velit.* Et ecce! qui excommunicatus erat, subito animam reddidit, antequam Eulogias ore recipere potuisset. S. Albinus postquam rexisset Ecclesiam Andegavensem annis viginti & mensibus sex ad Superos migravit anno 550. prima die Martii, qua Ecclesia ejus memoriam colit.

Can. 10.

Mart. Rom.  
1. Mart.

HISTO-